

Fylkesmannen Kommunen

Kontaktperson:

Vår dato: 02.02.2015

Vår referanse: 15/1

Rundskriv erstatter:

Utbetaling av produksjonstilskudd etter søknad med frist 20. august 2014

Hovudutbetaling av produksjonstilskot etter søknad med frist 20. august 2014, skjer onsdag 4. februar. Søkjarane vil normalt ha pengane på konto innan fredag 6. februar. Landbruksdirektoratet vil òg informere om utbetalinga på www.landbruksdirektoratet.no.

Dette rundskrivet handlar om både hovudutbetalinga og korleis handsame manuelle utbetalingar.

Utbetalinga med søknadsfrist 20. august gjeld desse tilskota:

- arealtilskot
- kulturlandskapstilskot
- omleggingstilskot til økologisk landbruk
- arealtilskot til økologisk landbruk
- tilskot til dyr på utmarksbeite
- tilskot til dyr på beite
- tilskot til husdyr
- tilskot til økologisk husdyrproduksjon
- driftstilskot til mjølkeproduksjon
- driftstilskot til spesialisert kjøttfeproduksjon

Kompensasjon for bortfall av produksjonstilskot til føretak som deltek i tiltaket «Friskare geiter» vert utbetalt til om lag same tid.

Innhold

Utbetaling av produksjonstilskudd etter søknad med frist 20. august 2014.....	1
1. Tilskotsbrev og utbetaling ved den sentrale utbetalinga	3
2. Søknader som er avslått og avvist.....	3
2.1. Søknader med feilmelding 635 og 636.....	3
2.2. Søknader med feilmelding 650	4
2.3. Søknader med feilmelding 637 og 639.....	4
3. Søknader som er stoppa sentralt eller av Fylkesmannen	4
4. Vedtak og utbetaling etter sentral utbetaling	4
4.1. Fagsystem for manuelle utbetalinger.....	5
4.2. Hjelpetrekning	5
4.3. Utbetaling søknader etter sentral utbetaling	5
4.4. Kontroll av manuelle utbetalinger	5
5. Satsar og utrekningsreglar.....	6
5.1. Tilskot til husdyr	6
5.2. Tilskot til dyr på beite.....	7
5.3. Driftstilskot til mjølkeproduksjon.....	8
5.4. Driftstilskot til spesialisert kjøttfeproduksjon	9
5.5. Areal- og kulturlandskapstilskot	9
5.6. Tilskot til økologisk landbruk.....	9
5.7. Kompensasjon for bortfall av tilskot for søkjarar som deltek i «Friskare Geiter»	10
5.8. Rapportar i samband med utbetalinga	10
6. Botnfrådrag og reduksjonar i tilskot	11
6.1. Botnfrådrag	11
6.2. Manglande eller mangelfull miljøplan	11
6.3. For seint levert søknad	11
7. Trekk i utbetalinger	11
8. Handsaming av søknad frå føretak som også har søkt om tilskot til regionalt miljøprogram	12

1. Tilskotsbrev og utbetaling ved den sentrale utbetalinga

Alle søkjarar, som har gyldig søknad, får ca 4. februar eit sentralt produsert brev. Søkjaren vil normalt ha pengane på konto innan fredag 6. februar.

Tilskotsbrev vert sende elektronisk til føretaket sin meldingsboks i Altinn. Alle føretak som har oppgjeve mobilnummer eller e-post i søknaden, vil berre få tilskotsbrevet i meldingsboksen i Altinn. Samstundes som tilskotsbrevet vert tilgjengeleg i Altinn, vil dei få varsel på mobil(e-post. Den elektroniske utsendelsa skjer 4. februar. Dei føretak som korkje har gjeve mobilnummer eller e-postadresse, får tilsendt tilskotsbrev på papir. Tilskotsbrevet vil også vere tilgjengeleg i elektronisk versjon i meldingsboksen i Altinn for dei som mottar brevet per post.

Det sentralt produserte brevet informerer om:

- kommunen sitt vedtak, og syner grunnlaget for utrekning av tilskotet, satsar og utbetalt beløp (tilskotsbrev)
- at søknaden enno ikkje er ferdig handsama.

Tekstane i tilskotsbrevet for dei søknadane som er avslått, avvist eller stoppa av andre årsaker i den sentrale utbetalinga, er nærare forklart i kapittel 2. Kommunen finn kopi av tilskotsbrev i ROB. Sjå òg lista PT-5040, som syner utbetalt beløp.

Pengane vert overført til den kontoen som er oppgitt i søknaden, eller til ny konto viss forvaltninga har fått melding om dette. Har søkjaren endra konto etter at søknaden vart sendt inn, men ikkje gjeve melding til forvaltninga, vil tilskotet bli utbetalt til kontoen som er ført opp på søknaden. Bankane handsamar dette på ulike måtar. I nokre tilhøve overfører banken beløpet til kunden sitt nye kontonummer, og i andre tilfelle returnerer banken beløpet til Landbruksdirektoratet. Landbruksdirektoratet kan ikkje betale ut tilskotet på nytt før beløpet er returnert til Landbruksdirektoratet og søkjar har gjeve **skriftleg** melding om nytt kontonummer. Be søkjarane endre kontonummer i skjemaet «Endring av bankkontonummer for landbruksforetak» i Altinn eller bruke skjema for endring av kontonummer (SLF-056). Skjemaet finn dei under skjema på www.landbruksdirektoratet.no.

2. Søknader som er avslått og avvist

Feilmeldingane som er omtalt i dette kapittelet tilsvarar feilmeldingane frå lista PT-1003.

2.1. Søknader med feilmelding 635 og 636

635 *Søknaden er avslått, føretaket ikkje oppretta innan søknadsfristen*
Søknader med kode 635 vert avlegne direkte. Føretaka fyller ikkje grunnvilkåret i § 3 i forskrifta om å vere føretak innan søknadsfristen. Søkjarane får eit vedtak om avslag i tilskotsbrevet ved hovudutbetalinga av produksjonstilskot

Søknad frå føretak som ikkje var oppretta innan søknadsfristen får fylgjande vedtak i tilskotsbrevet:

”Søknad er avslått fordi føretaket ikkje var registrert i Einingsregisteret innan søknadsfristen, jf. forskrift om produksjonstilskot i jordbruket § 3.”

2.2. Søknader med feilmelding 650

650 Mottatt dato er etter 20.09.

Søknader med kode 650 vert avvist direkte, og søkjarane får fylgjande vedtak i tilskotsbrevet:

”Søknaden er avvist fordi søknaden vart levert 21. september eller seinare. Det er ikkje innvilga dispensasjon frå søknadsfristen, jf. forskrift om produksjonstilskot i jordbruket §§ 9 og 10.”

2.3. Søknader med feilmelding 637 og 639

637 Søknaden avslått av kommunen

639 Søknaden avvist av kommunen

Søknader med kode 637 og 639 får ikkje tilskotsbrev ved utbetalinga. Kommunen må skrive vedtak om avslag, dersom dette ikkje allereie er gjort.

3. Søknader som er stoppa sentralt eller av Fylkesmannen

Søknader som er stoppa frå den sentrale utbetalinga, må kommunen vurdere nærare. Kommunen kan så fatte vedtak, og eventuell utbetaling kan skje. Lista PT-1003 syner dei søkjarane dette gjeld og kva som er årsaka til at dei er stoppa. Dette gjeld søknader med meldingane:

607 Kontrollskjema reg. mangler ord. søknadsskjema

608 Kontrollskjema er ikke registrert

609 Søknadsskjema feilmeldt, men ikke rettet

610 Kontrollskjema feilmeldt, men ikke rettet

621 Utbetaling stoppet pga ugyldig postnr/adresse

645 Søknaden stoppet av fylkesmannen

646 Pålagt kontroll er ikke utført

Desse søkjarane får tilsendt eit brev samtidig med at hovudutbetalinga går. Brevet varslar om at det er høve ved søknaden som må undersøkjast nærare:

”Søknaden om produksjonstilskot pr. 31.07.14 er motteken av kommunen, men sakshandsaminga er ikkje avslutta grunna omstende som må undersøkjast nærare. Vedtak i saka vil bli sendt så snart søknaden er ferdig handsama.”

Kommunen må vurdere slike søknader med grunnlag i forskrift om produksjonstilskot i jordbruket og situasjonen på registreringsdatoen 31. juli 2014.

4. Vedtak og utbetaling etter sentral utbetaling

I samband med handsaming av søknader, klage på vedtak og manuelle utbetalingar, syner Landbruksdirektoratet til forskrift om produksjonstilskot i jordbruket og rettleiing i aktuelle rundskriv. Disse er tilgjengelig på <https://www.slf.dep.no/no/produksjon-og-marked/produksjonstilskudd/dokumentarkiv#august-2014>. For handsamingsrutinar for manuelle saker syner vi spesielt til rundskriv 16/2014.

Du finn satsar og reglar for å rekne ut tilskotet ved manuelle utbetalingar i kapittel 5.

4.1. Fagsystem for manuelle utbetalingar

Fagsystemet for å handsame manuelle utbetalingar vert etter planen tilgjengeleg for Fylkesmannen i veke 7. Landbruksdirektoratet vil sende meir informasjon om dette i e-post til Fylkesmannen.

4.2. Hjelpetrekning

For å hjelpe arbeidet med å rekne ut korrekt tilskotsbeløp for produksjonstilskot, tilbyr Landbruksdirektoratet hjelpetrekning. På grunnlag av registrerte opplysningar vert det rekna ut brutto tilskot, oppdelt på aktuelle heimlar. Resultatet av utrekninga vert presentert i tilskotsbrevrapport PT-2210 og rapportane PT-890 og PT-891, som blir presentert i ROB. Forvaltninga kan deretter nytte desse for å registrere beløp til utbetaling.

For at data skal kome med i hjelpetrekningane, må registreringa vere avslutta innan dei tidspunkta som er vist i tabell 1. Hjelpetrekningane vert køyrd om ettermiddagen, og resultatata vil normalt vere klare dagen etter.

Tabell 1. Tidsplan hjelpetrekning

Frist for registrering	Resultat klart
Tysdag 10.02. kl 16.00	Torsdag 12.02.
Måndag 16.02. kl 12.00	Tysdag 17.02.
Måndag 23.02. kl 12.00	Tysdag 24.02.
Måndag 02.03. kl 12.00	Tysdag 03.03.
Måndag 9.03. kl 12.00	Tysdag 10.03.
Måndag 16.03. kl 12.00	Tysdag 17.03.
Måndag 23.03. kl 12.00	Tysdag 24.03.

4.3. Utbetaling søknader etter sentral utbetaling

Utbetalingane vert gjennomført med grunnlag i fylka sine registreringar. Landbruksdirektoratet hentar ajourhaldsdata **tirsdag 7. april**. Alle manuelle utbetalingar bør vere gjennomført innan denne datoen. Data registrert etter denne datoen vert ikkje overført til Landbruksdirektoratet. Merk at data frå søknader som ikkje er ferdig handsama av Fylkesmannen før 7. april ikkje vert tilgjengelege i LIB. Dersom det er avvik mellom maskinelt berekna tilskot og manuelt utbetalt tilskot, ønsker Landbruksdirektoratet ei rapportering på dette, sjå frist i rundskriv 16/2014.

4.4. Kontroll av manuelle utbetalingar

I første halvdel av mai vert dei manuelle utbetalingane kontrollert maskinelt. Resultatet av kontrollen får kommunen i listene PT-1201 og PT-895D. Det er viktig at kommunen går gjennom listene og gjer vedtak om tilbakebetaling om det er utbetalt for mykje tilskot.

5. Satsar og utrekningsreglar

For hovudutbetalinga er dei gjeldande satsane og utrekningsreglane nytta i maskinell utrekning for den enkelte søknad. For dei manuelle sakene skal dei same satsane og utrekningsreglane leggjast til grunn. Landbruks- og matdepartementet (LMD) har fastsett satsane for utbetaling av tilskot for søknadsomgangen 20. august 2014.

For nesten alle ordningane er endeleg sats lik dei førebelse satsane i jordbruksavtalen, sjå òg rettleiingshefte om produksjonstilskot i jordbruket ved søknadsomgangane 20. august 2014 og 20. januar 2015. Kulturlandsskapstilskotet er redusert med 5 kroner, frå 191 til 186. Merk at alle satsar er fastsette i heile kroner. De må bruke same satsar og utrekningsreglar for dei manuelle sakane.

5.1. Tilskot til husdyr

Etter jordbruksavtala 2014-2015 er det største årlege beløpet for tilskot til husdyr for kvart føretak 560 000 kroner. Dette gjeld alle føretak, også samdrifter i mjølkeproduksjon. Ved søknad pr. 1. januar 2015 vert tilskotet avgrensa slik at utbetalt tilskot i alt for augustomgangen 2014 og januaromgangen 2014 ikkje vert meir enn maksimalbeløpet. Merk at tilskot til økologisk husdyrproduksjon ikkje skal reknast inn i maksimalt årleg beløp for tilskot til husdyr.

For ein del føretak må ammekyr vere av minst 50% kjøttferase før det kan bli gjeve tilskot som ammeku. Dette gjeld føretak:

- som driv både kumjølkeproduksjon og spesialisert storfekjøttproduksjon
- der eigar/medeigar av føretaket også er deltakar i samdrift i kumjølkeproduksjon
- som driv storfekjøttproduksjon på eigedom som er eigd heilt eller dels av deltakar i samdrift med kumjølkeproduksjon
- som driv storfekjøttproduksjon på eigedom der anna føretak driv produksjon av kumjølke

Kva raser som er godkjende som kjøttferase går fram av rundskriv 15/2014, kapittel 7.7.

Tabell 2. Tilskot til husdyr

Dyreslag	Intervall	Sats i kr/dyr ¹
<i>Mjølkeku</i>	1-16	2 014
	17-25	1 036
	26-50	500
	51+	400
<i>Ammeku</i>	1-50	1 990
	51+	400
<i>Storfe</i>	Alle dyr	400
<i>Mjølkegeit og mjølkesau</i> ²	1-125	750
	126+	275
<i>Avlsgris</i>		
- <i>Sør-Noreg</i> ³	1-35	457
- <i>Jæren</i> ⁴	1-35	382
- <i>Nord-Noreg</i>	1-35	601
<i>Verpehøner og avlsdyr av ender, kalkunar og gjæser</i>		
- <i>Sør-Noreg</i>	1-1 000	5
- <i>Nord-Noreg</i>	1-1 000	12
- <i>landet</i>	1 001-5 000	5
<i>Bikuber</i> ⁵	1-250	400
<i>Hjort over 1 år</i>		210

5.2. Tilskot til dyr på beite

Tilskot til dyr på beite kan berre bli gjeve for dei dyra føretaket disponerte 31. juli.

Tabell 3. Beitetilskot

Dyreslag	Intervall	Sone	Min. tal veker på beite	Sats per dyr
<i>Kyr, storfe, hjort, hest og lama</i>	Alle dyr	1-4	16	438
<i>Kyr, storfe, hjort, hest og lama</i>	Alle dyr	5-7	12	438
<i>Sau, lam, geit, kje og alpakka</i>	Alle dyr	1-4	16	59
<i>Sau, lam, geit, kje og alpakka</i>	Alle dyr	5-7	12	59

¹ Satsen er 0 kr/dyr utafør dei intervalla som er med i tabellen

² Føresetnad for tilskot til mjølkesau er at det kan dokumenterast at mjølka vert nytta som råstoff ved lokal føredling

³ Unnateke Jæren, sjå fotnote 4.

⁴ Kommunane Sandnes, Stavanger, Hå, Klepp, Time, Sola og Randaberg.

⁵ For å ha rett på tilskot må føretaket ha eit driftsømgang på minst 25 kuber. Kravet gjelder ikke jordbruksforetak som mottar produksjonstilskudd på annet grunnlag.

Tabell 4. Utmarksbeitetilskot

Dyreslag	Intervall	Sone	Min. tal veker på beite	Sats per dyr
Kyr, storfe, hestar	Alle dyr	Alle	5	396
Sauer, lam, geiter og kje	Alle dyr	Alle	5	141

5.3. Driftstilskot til mjølkeproduksjon

Tabell 5. Driftstilskot til kumjølkeproduksjon

	> 5 kyr	4 kyr	3 kyr	2 kyr	1 ku
Kumjolk, Jæren ⁶	59 000	47 200	35 400	23 600	11 800
Kumjolk, rest Sør-Noreg	62 500	50 000	37 500	25 000	12 500
Kumjolk, Nord-Noreg	66 500	53 200	39 900	26 600	13 300

Tabell 6. Driftstilskot til geitmjølkeproduksjon

	Ved 27 geiter eller fleire pr. føretak, kr/føretak	Redusert utbetaling pr. geit når det er færre enn 27 geiter pr. føretak, kr/geit
Geitmjolk	66 500	2 463

Føretak med både geit- og kumjølkeproduksjon får utmålt driftstilskot med utgangspunkt i talet på mjølkegeiter der talet på mjølkegeiter er 27 eller høgare. Der talet på mjølkegeiter (x) er mindre enn 27, vert driftstilskotet rekna ut frå talet på mjølkegeiter og deretter talet på mjølkekyr. Tillegget basert på mjølkekyr vert avgrensa på same måte $(27-x)/27$ av maksimalt driftstilskott for kumelk i den aktuelle regionen.

Døme:

1. Eit føretak som har 40 mjølkegeiter (meir enn 27) og 15 mjølkekyr får driftstilskot til mjølkeproduksjon etter satsen som gjeld for produksjon av geitemjolk.
2. Eit føretak i Sør-Noreg som har 14 mjølkegeiter og 3 mjølkekyr vil få 64 575 kr i driftstilskot til mjølkeproduksjon:

Tilskot mjølkegeit:

Når talet geiter er ferre en 27, tar du differansen mellom 27 og det faktiske talet (her 13; $27-14=13$) og multipliser med reduksjonsatsen: $13 \cdot 2\,463 = 32\,019$.

Så tek ein satsen driftstilskot mjølkegeit à 66 500 og trekk frå reduksjonsbeløpet à 32 019: $66\,500 - 32\,019 = 34\,481$. Dette gjev driftstilskot mjølkegeit etter reduksjon.

Tilskot kumjolk:

⁶ Gjeld kommunane Sandes, Stavanger, Hå, Klepp, Time, Sola og Randaberg.

Sør-Noreg: 62 500

Avgrensningsfaktor kumjøl: $(27-14)/27 = 0.4815$

Utrekning: $62\ 500 * 0,4815 = 30094$

Summering: $34\ 481 + 30094 = 64\ 575$

5.4. Driftstilskot til spesialisert kjøttproduksjon

Satsane er 1 437 kroner per ammeku for foretak med 6 til 39 ammekyr, rekna frå første ammeku, og 57 500 kroner per foretak for foretak med 40 eller fleire ammekyr.

5.5. Areal- og kulturlandskapstilskot

Satsen for kulturlandskapstilskot er lik for alt areal uavhengig av sone. Satsen er 186 kr per dekar.

Tabell 7: Satsar arealtilskot

Vekstgruppe	Sone 1	Sone 2	Sone 3	Sone 4	Sone 5	Sone 6	Sone 7
Grovfôr	75	0	110	110	210	236	286
Korn	127	192	192	227	210	210	210
Potet	80	80	80	80	80	930	930
Grønsaker	550	550	550	550	550	1 550	1 550
Frukt	700	700	700	700	1 450	1 450	1 450
Bær	1 000	1 000	1 000	1 000	1 450	1 450	1 450

Merk at den maskinelle avgrensinga av grovfôrareal i enkelte høve er noko streng. Foretak som driv mjølkeproduksjon i samdrift kan få areal- og kulturlandskapstilskot for grovfôrareal som vert beita av samdrifta sine dyr (søknad merka med kode 31). Ved den maskinelle utrekninga av tilskot vert det utrekna tilskot for innmarksbeiteareal (kode 212 i søknad). I enkelte høve vert anna grovfôrareal (kode 210 eller 211 i søknad) avgrensa, fordi det ikkje er seld så mykje fôr at søkjaren har rett på tilskot for heile arealet. Om anna grovfôrareal er nytta som beite for samdrifta sine dyr, har søkjaren òg rett på tilskot for dette arealet, sjølv om dei maskinelle rutinane ikkje får dette med i utrekninga av tilskot. Dette må då skje ved ei manuell handsaming etter hovudutbetalinga.

Arealtilskotet vert rekna ut etter den sona arealet er i. For grovfôr, korn, grønnsaker, frukt og bær er det ulik sats etter kor stort areal foretaket har av veksten. Tilskot vert rekna ut etter kor stor del av arealet av aktuell vekst som er i kvar sone.

5.6. Tilskot til økologisk landbruk

Tabell 7. Tilskot til økologisk landbruk

Vekstgruppe/dyreslag	Omleggingstilskot (kr pr. daa per år)	Arealtilskot (kr pr. daa per år)	Økologisk husdyrproduksjon⁷

⁷ Tilskotet vert gjeve frå og med første søknadsomgangen etter at omlegging starta

<i>Grønsakar, frukt og bær</i>	250	1000	
<i>Poteter</i>	250	500	
<i>Korn til modning og krossing</i>	250	300	
<i>Grøngjødning⁸</i>	250	500	
<i>Innmarksbeite⁹</i>	0	25	
<i>Anna areal som vert dyrka økologisk</i>	250	25	
<i>Mjølkeku</i>			1 400
<i>Ammeku</i>			1 000
<i>Andre storfe</i>			300
<i>Mjølkegeit</i>			100
<i>Avlsgris</i>			201

Merk at omleggingstilskotet vart avklafor arealer som starta omlegging frå og med vekstsesongen 2014. Denne endringa har ikkje konsekvenser for arealer som allereie var under omlegging i 2013. Det er difor eit krav om at arealer det utbetalast omleggingstilskot for på grunnlag av søknadsomgangen i august 2013 og tidligare, må drivast økologisk i minst 3 år etter omlegging.

Du finn nærare omtale av dei økologiske produksjonstilskotsordningane i jordbruksavtala kapittel 7.9, og i saksbehandlings- og kommentarrundskriv for aktuell søknadsomgang.

5.7. Kompensasjon for bortfall av tilskot for søkjarar som deltek i «Friskare Geiter»

Deltakarar i prosjektet «Friskare geiter» får tilskot for dei dyra føretaket faktisk disponerer på teljedatoen. Føretaka kan få vederlag for tap av produksjonstilskot, og det er Fylkesmannen som fattar vedtak og betaler ut dette etter nærare reglar. Meir informasjon om utbetalinga kjem i eige brev til Fylkesmannen i dei aktuelle fylka.

5.8. Rapportar i samband med utbetalinga

I ROB, tilgjengelig via Wespa, finn du rapportar som er til hjelp ved utbetalinga. Desse rapportane kan vere av ekstra stor interesse:

PT-1001C, Feilliste tredje inputkontroll
 PT-5040, Utbetalinger produksjonstilskudd
 PT- 1040, Søkere med miljøplantrekk
 PT-1003, Søknader som er stoppet
 PT-2200, Tilskuddsbrev, stoppede søkere
 PT-4100A, Grunnlag for avkorting
 PT-4100B, Søkere med avkorting

⁸ Arealtilskot for inntil 50 % av areal til korn, potet, grønsaker, frukt og bær. I tillegg vert det gjeve 191 kr/daa i kulturlandskapstilskot for økologiske grøngjødslingsareal, slik at samla tilskot til grøngjødslingsareal er 691 kr/daa

⁹ Arealet skal normerast med faktor 0,6

6. Botnfrådrag og reduksjonar i tilskot

Kommunane og fylkesmennene må sjå til at tilskotet vert riktig redusert der det skjer utbetaling etter hovudutbetalinga (manuelle utbetalingar). Sjå også jordbruksavtala 2014-2015, kapittel 7.1 og rundskriv 15/2014.

Minste beløp som vert utbetalt er kr 300.

6.1. Botnfrådrag

For alle søkjarar om produksjonstilskot er det eit botnfrådrag på 6 000 kr per avtaleår. Botnfrådraget vert så langt det er mogleg trekt i samband med søknadsomgangen 20. august.

6.2. Manglande eller mangelfull miljøplan

Føretak som ikkje har miljøplan får tilskotet redusert som tabell 9. viser.

Tabell 8. Trekk på grunn av mangelfull miljøplan

Areal daa	Trekk
≤ 250	8 000
251 - 500	12 000
> 500	18 000

Dersom føretak manglar miljøplan og har husdyrproduksjon med eit omfang som krev større spreieareal enn det arealet føretaket disponerer, skal avgrensing av produksjonstilskotet skje på grunnlag av det arealet som er naudsynt som spreieareal. Søknader med lite areal i høve til dyr, er merka med varselkode 306 i inputkontrollen (sjå rapport PT-1001C). Lista PT-1040 syner alle føretak som ikkje har miljøplan og kva beløp som er utrekna som trekk, jf. forskrift om miljøplan.

6.3. For seint levert søknad

Om søknaden vart levert etter fristen, vert tilskotet redusert med kr 1 000 per virkedag frå og med 21. august. Søknader som vart levert 21. september eller seinare skal avvisast, med mindre føretaket har fått dispensasjon frå søknadsfristen.

7. Trekk i utbetalingar

Føretak med trekk i utbetalinga på grunn av motrekning, utlegg, tidlegare for mykje utbetalt tilskot eller erstatning, får dette spesifisert på tilskotsbrevet. Fylkesmannen har tilgang til lister på ROB, som syner kven dette gjeld. Fylkesmannen må undersøkje desse listene dersom han skal utbetale tilskot manuelt etter klage eller feil. Der eit føretak har heftingar i form av til dømes motrekning og utlegg, må Fylkesmannen leggje dette inn i Fagsystemet for manuell utbetaling, jf. rettleinga. Sjå listene PT880, PT883 og PT886.

PT880 Gjenstående trekk SLF/skjema

Desse trekkka vert overførte automatisk til neste søknadsomgang.

PT883 Innmelde trekk

Lista viser søknader med trekk, som ikkje kjem til sentral utbetaling, og som er registrert med trekk.

PT886 Gjenstående trekk, motrekningar/skatt/mva/utlegg

Lista viser søknader som er utbetalt, og storleiken på attstående trekk av moms/skatt/utlegg. Lista viser også slike søknader, som framleis ikkje er ferdig handsama. Attstående trekk skal effektuerast i manuelle utbetalingar i inneverande periode, men vert ikkje overførte til neste søknadsomgang. Det er fordi det ikkje er høve til å motrekne i framtidige tilskot: krav kan ikkje oppstå før søknadsfrist, og søknad må vere levert til kommunen.

Fylkesmannen må melde frå til Landbruksdirektoratet, dersom attstående eigne trekk (sjå listene PT-880 og PT-883) skal slettast eller reduserast. Dette for at attstående trekk skal vere oppdatert før neste utbetaling.

8. Handsaming av søknad frå føretak som også har søkt om tilskot til regionalt miljøprogram

Det vert gjennomført trekk i utbetalingar etter regionale miljøprogram. Føretak med trekk, som har søkt om både produksjonstilskot og regionalt miljøprogram, skal handsamast særskilt av både Landbruksdirektoratet og Fylkesmannen. Landbruksdirektoratet trekjer automatisk i tilskotet til regionalt miljøprogram, viss det er att trekk på føretaket etter at heile produksjonstilskotet er trekt. Difor må Fylkesmannen vente med å handsame klagesaker og manuelle utbetalingar i produksjonstilskot, der det står att trekk og føretaket skal få utbetalt tilskot etter regionalt miljøprogram, til etter at RMP-tilskotet er utbetalt. Dette for å hindre at søkjarane får dobbelt trekk. Føretaka som skal ha trekk i tilskot etter regionale miljøprogram, vert lista ut på ei eiga oversikt, RMP-trekk. Sjå også rundskriv 12/2014 - Forvaltningsrutiner for regionale miljøtilskudd.

Med hilsen
for Landbruksdirektoratet

Nils-Einar Eliassen
seksjonssjef

Karen Elise Sundelin
rådgiver

Dokumentet er elektronisk godkjent og trenger derfor ingen signatur.

